



Schwoweblatt Nr. 14

zammgestellt vun **Helen Alba**
300488 Timisoara, Calea Sagului 21, sc. B, ap. 43
Telefon: 0256-245590
E-Mail: albah@web.de
www.lenauheim.de



A Traam vun Venedig (II)

Beim Zurückgehn han mer a Sunneunergang erlebt, wie ich nie wieder gsiehn wer. Ganz andächtig han mer geschaut, wie die Sunn immer tiefer gang is, des Meer hot tausend Farwe gspielt, die Sunn immert tiefer un tiefer. Jetz hot mer gmennt, sie sei ins Meer gfall, um in am anre Erdteil wieder ufzuehn. Bei uns werds langsam Nacht un doch is der Himmel iwersät mit tausendi Sterne, die am die Nacht so scheen erscheine losse, dass mer mit uffene Aue traame kennt vun der Scheenheit der Natur. Mir ware sehr scheen inquatiert, mit em Ausblick ufs Meer. Scheener kann mer sichs net winsche. In der Friehe dann, noh em gude Fruhsrtuck, sein mer weiter uf Italien zu. Wie mer an der Grenz ankumm sein, han jo die Schoffeere ihre Akte im Hotel vergess. Also, je wieder zuruck, die Papiere hole. A koschtbari Zeit is dorch des verlorn gang. Gut, mir han die scheeni Gegend bewunnre derfe, awer des war verlorene Zeit, die uns for Venedig gfehlt hot. Wies schon an der Grenz geht, die han uns ufghal, doch dernoh ware mer endlich in Italien un sein uf Triest zugfahr. Dorte ankumm han mer des Schloss Miramare awer nor vun außen anschaut weil die Zeit knapp war. Des Schloss, des war dem Kaiser Franz Josef seim Bruder, dem Maximilian, der was Kaiser in Mexiko wor, un not erschoss is wor. Un sei Frau hot dann in dem Schloss ihre aldi Täch verbrung. Die Leit han in der Reih gstann for rein. Des Schloss hot a herrlich Lage newer dem Meer, des Rausche vund e Welle, die ans Ufer gschlaa han, hot mer stundelang horche kenne. Doch mir han weiter misse, mir wollte jo Venedig gsiehn. Un endlich ware mer dort ankumm. Die Fahrt mitm Schiff bis rein war sehr scheen. Awer noch schenner wars, wie a phaar sich vun der Gruppe verlorn han. Dorte war grad de Markus-Tach, do hots nor so gewuwelt vun Mensche, mer hot sich direkt dorchboxe misse. Des war ka Vergniegn. Hot mer in die Heh geschaut, hot mer bestimmt jemand angekrenpelt, hot mer uf de Wech geschaut, hot mer nix gsiehn. Zum Glick sein dort ka Lecher im Asphalt so wie bei uns. Hot mer awer runer geschaut, hot mer nor Fieß gsiehn. Weils jo bei de Bricke Treppe geht, also ruf un runner, also ka Wunner, wann mer die Gruppe verliert. Wann mer uns aa verlorn han, mir sein doch gut beim Markusdom ankumm. Den Dom han se schon im 11. Jahrhunnert anfang zu baue, vieli Bauherre han dort dran gebaut, mer werd iwerwälticht vun dene koschtbare Marmorsteener un sogar Alabaster. Visavi vum Dom steht die Campanella, 95 Meter hoch. Des is a Glocketurm, 1902 zammgsterzt, awer in nein Jahr han se ne wieder ufgebaut. Es hot sich schon glohnt, den weite Wech zu mache. Zum Glick han mer jo gwisst, dass mer sich um die un die Uhrzeit wieder beim Schiff treffe. Mer hot nor owacht gin misse, dass mer des Schiff nit verpasse. Also han mer die Gondle nor vun der Bricke aus bewunnert, weil for fahre war ka Zeit un schon lang ka Geld. Umesunscht han die Italiener Euro, mir han se net!

Eva Mayer

Die dorchsichtig Bux

De Vetter Jerch, er fahrt ins Bad.
Vorher er zur Bäsl Lentschi saat:
"Schad, dass ich die Kur muss leenich mache.
Weib, pack in nor allerneetichs Sache:
E bissl Gwand, e Handtuch un a feschi Schuh,
dass ich spaziere kann. Meh nit, ich will mei Ruh!
Mei Badedress, die tuscht ganz owe ins Bagasch,
weil ohne – hui, des wär jo meh wie e Kurasch!"
Es Lentschi is e sorglich Weib, will nix vergesse,
in de Kupfer kummt gar vill, aach was zu esse.
Weil mer jo nit weeß, wie in dem Bad dort is die Koscht,
halt! Mei Mann derf leide iwerhauptscht ke Dorscht!
Drum kummt e Raki- un e Weinflasch a noch nin,

Un schon sitzt unser Vetter Jerch im Bus,
es Lentschi em noch schickt e Kuss.
Er kummt noh Stunde an im Bad un will de Dreck
zuallerersch am Strand los krien. Oh Schreck!
"Ja sapperlot, was hat des Weib do alles ingepackt!
Nor ke Bux is do! Was jetz? Soll ich bade nackt?"
De Jerch is wiedich, wuhlt im Kupfer rum
es Gwand un alles anri umedum.
Er find e eenfach Bux, die Farb is dunkelgrien,
schluppt nin – un je, was hascht mich gsiehn
zum Strand. Do losst er sei Wut im Schwimme aus
un kummt dernoh erfrischt ausm Wasser raus.
Um ne rum die Leit jetz schmunzle, kichre, lache,

de Kupfer kann jetz nimi zugmacht gin.
Schnell alles raus un nochmol ausgemuschtert,
die Hälft bal werd zuruck in de Kaschte gschustert.

“Was is los, kimmert eich um eiri Sache!”
Verstawert schaut er uf sei Bux, die is vum Chlor
jo dorhsichtlich, hat ihre dunkelgrieni Farb verlort!

Die Salb tut Wunner!

De Vetter Stefan verzählt, wie des elmols war, wie in Bentschek Ochse gemäschd sin gin. Zwar war des vor langer Zeit, doch was selmols passiert is, des kann de Vetter Stefan nit vergesse. Es war e gutes Ochsejohr selmols. E stattliches Ochsexemplar hat druf gewart, for abgfiehrd zu gin. Derfor hat mer de Ochs uf Johrmark fiehre misse. Besser gsaat treiwe. De Vetter Stefan war selmols e kleene Bu un hat derfe em Großvater helfe, de Ochs uf des Johrmark zu bringe. Natierlich war die Strooß nit asfaliert, sie war nor gschottert. Es war e warmer Herbsttuch. Wie die Hälft vun dem Wech ungefähr zruckgeleet war, is der Ochs ufmol an eem Baam stehengeblieb. Er hat anfang sich an dem Baamstamm zu reiwe. Un war stur wie e Ochs. Nix hat me weitergholf. Ke Schenne, ke Ziehe un aach ke Drufschlaan. Was jetz? Es is e halwi Stund vergang, der Ochs hat sich nit vum Fleck geriehrd. Do saat de Großvater: "Stefan, es bleibt nix anres iwrich, du laafschd bis Johrmark in die Apethek un verlangschd was, dass mer de Ochs vum Platz krien!" De Stefan hat anfang zu laafe was sei Fieß hergin han, is nin in die Apethek, hat verzählt was passiert is. De Apetheker iwerleet e Weil, noh holt er e Schachtel ausm Stellasch, git die dem Stefan un saat: "So mei Knecht. Die Salb gischt deim Ota. Saascht em, er soll dermit de Ochs unerm Schwanz inreiwe. Awer nit zuvill Salb uftraan, sunschd kennt e Malleer passiere!" Un surrei - is de Stefan zuruck geloff. Außer Ochtum hat er em Ota gsaat, was de Apetheker em ufgetraa hat. De Ota hat anfang zu schmiere, hat die Anweisunge vun dem Apetheker genau befolcht. Ufmol hat der Ochs mitm Schwanz ausgeschlaa un hat anfang, erscht im Trab, dernoh im Galopp zu renne. Doch is er nit geger Johrmark sunder geger hemzus - geger Bentschek gallopiert. De Stefan je hinenoh. Es hat e zeitlang gedauert bis de Großvater derhem ankumm is. De Ochs hat in seim Stall gstann un war an sellem Tuch nimi vum Platz zu krien! Wahrscheinlich hat de Großvater doch zuvill Schmier verwend!

Urlaub mit Hindernisse (II)

E wunerscheene Summertuch is an de Himmel gerickt. Es allerliebscht wäre mer schun beim erschte Hahneschrei an de Strand gang. Doch erschtens sin mer nit ins Bad gfahr, for uns sunne losse, mir han jo unser Behandlung erscht absolviere misse. Un zweitens sin die Leit in dem Geoagiu Faulenzer. Die losse die Leit erscht um nein Uhr morjets nin in de Strand. Aso han mer uns uf de Nohmittuch vertreescht. Noh em Mittachesse ware mer hundsmied un han allererscht e Gimmche gemacht. War aach gut, weil bis geger vier Uhr hat die Sunn sowieso Bloodre gstoch. Un wie mer geger de Strand losmaschiere war noch immer aarich heiß, doch die erschte Wolke sin am Himmel ufgetauchd. Pa, was sin schun die phaar Lämmcher? Frohgemut han mer im Wasser geplanscht. Doch de Wettergott hats ernschd gement an dem Nohmittuch. No eener Stund han ich gsaat: "Mann, es is runderum dunkel. Bal fangts an zu blitze un dunne. Kumm raus aus dem Wasser, schau mer, dass mer hem kumme, bevor es Dunnerwetter losgeht!" "Haha – geh doch hem du Angschthas! Ich kumm nit raus, des Wetter drickt doch nor rum!" Ich han gschaut, dass ich ins Truckeni kumm. Kaum war ich im Quatier, hats anfang. Ich verwisch schnell de Reenschirm, doch han ich mer gedenkt, ich wart, bis es Grebschti voriwer is, der werd sich schun wu unerstelle. Wies noder nor me getripst hat, sin ich je, han noch schnell e Schwetter verwischt, wieder zruck geger de Strand. Die Eingangstier war sperrangelweit uf, doch ke Mensch un ke Seel war zu gsiehn. Ich schau mich runderum, vielleicht trinkt der e Tschitro, Rum de Strand rum ware jo genuch Kondis un Wertsheiser. Oder is er doch nass gin, un versucht mit eem Raki em Schnuppe vorzubeige? Nix war zu gsiehn. Ufmol fange die Strandleit an, mit eem Schlauch newerum de Becken sauwer zu mache. Jetz han ichs mit der Angschd zu tun kriet. Es werd doch nix passiert sin? Un wanns dem Mann schlecht gin is? Ersch schennier ich mich, for näkschter zu gehn un zu frooe, ob amend e Malleer vorkumm is. Was soll ich aach saan? Dass ich mei Mann vermiss? Bis zu guterletscht han ich mer Kurasch ghol, geh geger eene, der fuxteiwelswild mit dem Schlauch rumfuchtelte, un froo, ob er nit weeß... fang doch zu stottre an. Derbei fliehe mei Aue iwer des Schwimmbecken. Un was muss ich gsiehn? Mei bessri Hälft dreht mutterseeleleech Schwimrunde. Ich ruf, er heert mich nit. Ich pheif, aach des helft nix. Es hat rugheert zu reene, sogar die Sunn is wieder raus kumm. Ufmol winkt mei Mann mer zu un ruft: "Wu warscht dann so lang? Kumm, werf dich ins Wasser, jetz hascht Platz genuch for schwimme lerne!"